

Donostia, 2020ko ekainaren 19a

UDALBATZAKO IDAZKARI NAGUSIARI

KONTROL MOZIOA, MASKARAK DOAN EMATEARI BURUZKOA

Marta Huarte Paño Elkarrekin Donostia udal taldeko zinegotziak, Udalbatzaren Araudi Organikoaren 98. artikulua oinarri, KONTROL MOZIO hau aurkezten du, maskarak doan emateari buruz.

JUSTIFIKAZIOA

Maiatzaren 19an sartu zen indarrean SND/422/2020 Agindua, COVID-19ak eragindako osasun krisian maskara nahitaez erabiltzeko baldintzak arautzen dituena. Halaber, agindu horrek dio maskara nahitaez erabili beharko dela bide publikoan, aire zabaleko gunetan eta erabilera publikoko edozein espazio itxitan edo jendearentzat irekita dagoen edozein espaziotan, baldin eta pertsonen artean ezin bada gorde gutxienez bi metroko segurtasun distantzia. Gainera, aurreikusten da maskara denbora luzean erabili beharko dela, COVID-19 birusaz ez kutsatzeko prebentzio elementu gisa.

OMEren arabera, adineko pertsonak (65 urtetik gorakoek) eta lehendik gaitz medikoak dituztenek (asma, diabetesa edo kardiopatiak, esaterako) arrisku handiagoa dute birusarekin larri gaixotzeko, eta, beraz, erakundeek ahal duten guztia egin behar dute pertsona horiek babesteko. Hala ere, ezin dugu ahaztu badirela beste talde zaurgarri batzuk ere: pobrezian bizi diren eta prebentzio neurriak (maskarak eta desinfektatzaileak barne) eskuratzeko aukera gutxiago duten pertsonak; autoisolamendurako erronka garrantzitsuei aurre egin behar dieten etxerik gabeko pertsonak; egoera administratibo irregularrean dauden migratzaileak; lan egoera prekarioan dauden pertsonak; diru sarrera txikiagoak eta lana seguru ez duten pertsonak, aldi baterako enplegu

erregulazioko espedientean direnak; edo lan ingurunean osasun arriskua dutenak. Horregatik, pertsona horiei arreta berezia jarri behar diete agintariek, eta haien beharrak guztiz kontuan hartu.

Hala ere, maskarak ez dira doakoak izango, eta horietaz hornitzea gastu handia izango da pertsona askorentzat; izan ere, maskarek, dakigun bezala, erabilera denbora mugatua dute, eta gure egunerokoan bisitatzen ditugun ia espazio guztietan erabili beharko dira (garraio publikoa, osasun zentroak, supermerkatuak, dendak, tabernak, dendak, museoak, lantokiak, antzokiak); prezioak, beraz, eragina izango du gure hileko gastuetan. Hori dela eta, OCUren arabera, hilean 24 euro gastatuko ditugu maskaratan, asteburuak eta lanetik kanpoko aldiak zenbatu gabe. Lau kideko familia batean kostua 115 eurora irits daiteke. Babes handiagoa nahi badugu eta FPP2 motako maskarak nahiago baditugu, gastua 266 euro izango da.

Familia batzuek ezin diote aurre egin horrelako gastu bati, eta, beraz, horrek larriagotu egiten du haien egoera ekonomikoa. Horregatik, ezinbestekoa da babes sistemak lurraldean bizi diren pertsona guztiak hartzea kontuan, bereziki zaugarrienak, diskriminaziorik gabe eta inor bazterrean utzi gabe.

Udal talde honek uste du maskarek guztiz doakoak izan beharo luketela, bai familia zaugarrientzat, bai 65 urtetik gorakoentzat Zaugarritasun horren barruan sartu behar ditugu, ez bakarrik gure hiriko sektore txirotuenak, baizik eta baita langabezian dauden edo aldi baterako enplegu erregulazioko espedientean dauden langileak ere. Gure ustez, udal honek badu nahikoa baliabide tekniko babes elementu horiek doan emateko sistema bat sortzeko. 65 urtetik gorakoen kasuan, jada badago errolda bat, eta, familia zaugarriei dagokienez, datu asko daude gizarte laguntzako zentroen bidez. Borondate politiko txiki batekin, lagundu diezaiekegu hainbesteko premia duten kolektibo horiei.

Elkarrekin Donostiak uste du Udalak lanari ekin behar diola, eta ekonomikoki ahulak diren kolektiboek eta 65 urtetik gorako pertsonen maskarak emateko modua bilatu behar duela, pandemia honen ondorio ekonomikoak arintzeko.

Batzordean, zinegotzi ordezkaria ulerbera agertu zen, ohartu baitzen maskarak erostea gastu handia dela familientzat edo edonorentzat. Gainera, adierazi zuen hauskortasun egoera bat hautemanenez gero horren berri emango zitzaiela gizarte-zerbitzuei. Hala ere, Udal Gobernuak ez du konpromiso irmorik hartu, ezta erabakirik hartu ere, egoera ahulenean dauden pertsonen eta familien babes elementu horiek emateari dagokionez.

Honegatik guztiagatik, hau da gure

KONTROL MOZIOA

1. Donostiako Udalbatzak hertsatuki eskatzen dio Udal Gobernuari gizarte laguntzen bidez finantzatu dadila gizarte laguntzako zerbitzuetan izena emanda dauden pertsona zaugarriek oinarrizko babes baliabideak (maskarak eta hidrogelak) aldian behin eskuratzea.
2. Donostiako Udalbatzak hertsatuki eskatzen dio Udal Gobernuari sor dezala sistema bat 65 urtetik gorako pertsonen oinarrizko babes baliabideak, hala nola maskarak eta hidrogelak, finkatutako aldizkakotasunarekin doan emateko, jada eraturako erroldaren bidez edo laguntza zentroen bidez.
3. Donostiako Udalbatzak hertsatuki eskatzen dio Udal Gobernuari sor sistema bat langabezia dauden pertsonen, betiere hala egiaztatzen badute, oinarrizko babes bitartekoak, hala nola maskarak eta hidrogelak, aldian-aldian doan emateko, laguntza zentroen bitartez.
4. Donostiako Udalbatzak hertsatuki eskatzen dio Udal Gobernuari FFP2 maskarak emateko aurretik patologiak dituztela egiaztatzen duten kolektibo zaugarrietako pertsonen, COVID-19az kutsatuz gero haien egoerak okerra egin badezake.

Marta Huarte
Elkarrekin Donostia udal taldeko zinegotzia